



仙源遺稿
乳

共二

~16
2407
1



16
2407
/-2



此諸名公卿家撫次先德或以銘章或以敘述
往、見屬而思非其任又非知言者逡巡不敢當
而願惟諸公皆先朝耆喆即吾先子之所從
游者則輒責以世誼、有所不可推每當招管
總寫隱中、蓋殄瘁之痛非獨吾私也尚州
金使君光煥與其季清州牧光炫千里命僕
致仙源先生遺稿固微一言、於諸卷首翊聖

誠肯既迫於二君之責效不聽之詞狀

先生之行又何敢定 先生之文哉辭而弗獲

遂發其藉伏以讀之不覺涕殺下也吾先子

與 先生結髮論交五十年来出處伸屈終始

一轍壬辰之訃患難與共再被辟召同入幕府際

昏放廢同棲峽邑其間抒懷舒鬱一以詩發之唱

酬投贈遐邇勿隔常見先子得 先生詩以珍之

悉歲去篋笥記在金陵日行路難一篇貼諸壁

上而曰此非今人語也編入家集中以傳之亦先

志也噫世之人能名 先生之德而不能名

先生之文非世之人之不能乃 先生不欲

以是為名也然吾先子以 先生詩為非今

人語則不可謂世無賞者鍾期得一伯牙奚多

乎哉 先生遺稿中更變故放軼頗多其

文存者尤夥亦足以見其典要自誌簡潔有法
前後封事意在格玉宗闕世道古今詩清腴合
度詞傳於裡其出於性情之正而歸於溫柔敦厚
者那是集行乎世之人不能名 先生之文者
益知 先生不欲以是為名也噫 先生立朝
本末殉義大節書諸簡策昭揭宇宙豈不敬贊云
崇禎庚辰陽月東陽申翊聖謹叙

仙源遺稿目錄

卷之一

詩

五言絕句二十三首

七言絕句二百三十四首

五言律九十六首

五言排律五首

卷之二

詩

七言律一百五十七首

五言古詩二十九首

七言古詩二首

卷之三

雜著

慶尚道觀察使尹承勳教書

蒼龍杖銘

烏竹杖銘

座右銘

自述墓銘

貞敬夫人權氏墓銘

葬坤兒哀詞

宗廟祈雨祭文

南郊賜祭戰亡將士祭文

祭女婚南司禦文

寬懷錄序

卷之四

議

改題 主議

疏劄

司諫院劄子

仙源遺稿目錄

右相辭職劄子

乞寢撤移仁慶宮材尾劄子

辭職劄子

救羅萬甲劄子

乞致仕疏

再疏

續稿目錄

卷之一

詩

五言絕句四首

七言絕句三十二首

五言律詩二十二首

七言律詩三十二首

五言古詩一首

卷之二

議

日本信使許否議

劄

辭判義禁劄

乞解兼帶劄

補遺目錄

詩二首

記夢說

祭式訓

日暮江頭

臣力無何

右先生殉義時作也尤庵集崔靈光琢墓表曰
余入黃澗之深谷日夕相從道語世變而慷慨歎
歎一日指壁上所書曰此仙源相國取義時語公
泣下不已

仙源遺稿卷之一

詩五言絕句

新昌院樓

北闕氛塵暗西關道路脩斜陽無限思搔首倚江樓

誕日行望 闕禮

聖主千秋節孤臣萬里情山呼望西極悲淚落縱橫

次趙王乾金忠信韻

南國客行遠西關音信踈登高頻悵望風雪滿征裾

次金韻

浮海同尼父乘槎愧漢臣腰間三尺劍何日靜胡塵



月夜偶吟

蕭蕭風竹聲錯訝松簷雨驚起忽開窓花枝月如許

次幕中諸兄韻呈伯延行軒

細雨添離思孤燈照客心停盃重握手衰涕易沾襟

其二

有淚沾離席無花當酒籌龍灣多舊識爲報相思不

次聞遠長吉韻

海國春先到山村夜正深鄉心牽客夢長繞漢江潯

夜雨聞村歌

漠漠一聲歌其歌也有思巫山咫尺地弱水三千里

暮投橫城村店主人餽以酒饌

薄暮投村店天寒起夕風慙慙一盃酒多謝主人翁

原城寓舍春帖

葭管春灰動茅簷化日長村中傳好語今歲穀穰穰

夢坤兒

夢裏平生面分明笑語歡覺來還不見空有淚汎瀾

光煜携家歸韋州新庄臨行走筆贐之

歲暮携家去天寒江路長茲行非遠別垂老易悲傷

其二

梅福棲吳市龐公隱鹿門高風動千古難與俗人言

蒼龍杖

手裏龍頭杖人間鶴髮翁相須扶出入絕勝小奚童

題李澄所畫四時景

丙子冬作絕筆也

松下携琴客沉吟俯碧流花村春酒熟欲去欠扁舟

其二

花開江岸明客至茅簷靜孤鶴亦多閑婆娑時弄影

其三

雲崖掛樹猿江漢思歸客三聲月下哀一夜頭欲白

其四

鷗鷺飛江渚遙岑雨氣渾孤舟宜蚤泊風怒浪花翻

其五

晚泊烟江滸蘆花細雨秋閑情都付鴈垂釣倚船頭

其六

天低落鴈斜葉脫秋容老一盃細論情江皋風日好

其七

踏雪玉人來映水寒梅發疑逢姑射姿宛對剡溪月

其八

野徑人蹤斷江天雪意驕騎驢暝歸客詩興在溪橋

七言絕句

次趙生韻

殘燈明滅夜生寒風打虛簷雪滿山千里故園歸未
得一年虛送路歧間

其二

皇華行色朔風寒度盡千山又萬山西塞極天消息
斷不堪瞻望五雲間

其三

窓外蕭森翠竹寒朱欄迢遞壓青山若爲借得龍眠
手畫我踈狂着此間

其四

風色蕭蕭天正寒妖氛漠漠暗關山憑欄扣劍發長

嘯壯氣成虹橫斗間

瓮山院

樓前滄海碧茫茫萬里登臨客斷腸無限愁懷吟不
盡角聲何事又斜陽

詠多慶浦冬栢

青紅花葉錦新裁爛熳驚看雪裏堆洛下名園多此
樹生平未見臆前開

其二

天公似欲慰遊人故遣仙姝在海濱若使此花能解
語一生何必喚眞眞

其三

碧葉蕊瓏疑翠袖紅英的皪勝丹唇天涯遠客多情
思一笑開窓當故人

次趙生韻

孤館寥寥夜似年多情蠟燭淚涓涓鴿原千里音書
斷風雨何時對榻眠

聞仲粟出自園中

聞道生全出賊圍開緘不覺喜無悲看雲從此吾無
恨對雨連床尚有期

次金忠信韻

家鄉迢遞隔千山歸夢終南漢水間今到天涯看月
出依然如對舊孱顏

其二

夜來飛雪滿前山玉樹琪花亂峽間千里羈愁無處
遣客窓今日始開顏

其三

半世歸期負碧山十年奔走軟紅間山靈有識應嗔
我何事風塵又強顏

其四

燒盡寒香對博山一燈明滅小窓間同來賴有金生

在聽說新詩一破顏

其五

昔年曾入蓬萊山身侍玉皇香案間人世謫來今幾
日鏡中蕭颯舊容顏

其六

一曲清溪萬疊山數間茅屋白雲間別來猿鶴無消
息回首丹崖每厚顏

其七

高人偃蹇似高山屹然獨立天地間君看松栢本孤
直不作春風桃李顏

效香奩體復用前韻

恨結愁眉感遠山淚痕長洒枕屏間生平莫作征人
婦離別關河傷玉顏

其二

秦雲白雪暗西山別後音容夢寐間錯嫁郎君吾不
恨一生惟自怨紅顏

次趙韻

風恬雲捲日舒華鏡面澄澄不起波愁倚蘭橈吟正
苦荒村喬木集寒鴉

次金韻

天涯莫上望鄉樓
異地風光惹客愁
鞍馬半生空役
役塵顏長向白鷗羞

其二

半夜金陵客倚樓
潮聲月色捲媒愁
傍人莫道妖氛
豁舉目山河尚帶羞

次南皋韻

南皋申敬叔號

孤臣霜髮丈三千里
江南又送年半歲
驅馳成底事
自慙無力可扶顛

次金韻

蠟燭銷殘夜向闌
一盃相屬已酡顏
魂夢却嫌塵世

窄暫時偷入醉鄉寬

戲示同行

南來行色淡於僧
旅館寒生翠被稜
莫道錦城饒勝事
夜窓相伴只孤燈

復用前韻

身世真同粥飯僧
時艱還愧少風稜
孤吟坐到三更
盡窓外腫朧月似燈

以難穩三更枕遙憐五歲雛分韻作十首

歲暮天涯行路難
朔風吹雪滿征鞍
憑君莫說長安事
荆棘銅駝尚忍看

其二

憶昔山林成小隱竹枕蒲團午睡穩狂風一夜動地
吹萬里江南逐征鴈

其三

海月盈虛又見三此生無路返終南凭闌縱目家山
遠清淚龍鍾濕翠衫

其四

南國繁華稱錦城客窓孤寂夜寒生悲吟展轉難成
夢咿啞村鷄報五更

其五

舊不好飲今好飲欲借微醺得酣寢生缺明月最多
情夜夜清光照孤枕

其六

點點螺鬟天際遙故園歸思正迢迢愁人何處堪腸
斷落日蒼茫映柳條

其七

驥子分明眉目娟相思千里夢依然穿花捉絮真堪
翫學語牽衣正可憐

其八

婉孌少女年將五耳裏如聞啼索乳飢寒溝壑救未

能世亂還愧爲人父

其九

夜闌燭盡爐烟細草草江南又卒歲思歸無益莫思
歸故國風塵暗松桂

其十

五色斑斕鸞鳳雛別來栖息漢羈孤今朝始寄相思
字道路艱關得到無

人日

人日江南客未歸年華依舊壯心違梅花不識興亡
恨笑向春風倚竹扉

其二

嫩芽新菜已堆盤驚見幡花映髣髴節物不隨人事
變依然猶似去年看

次金忠信韻

夢裏分明八 大明百官環珮賀新正覺來西塞猶
千里誰識孤臣此夜情

次長城東軒韻

庭畔寒梅欲吐香簷間已覺鳥聲長故園春色應如
此其奈腥塵滿洛陽

川原驛

春來何處見韶光門外垂楊嫩欲黃莫上高樓望鄉國暮天愁思兩茫茫

洪陽雨後贈趙太初

春陰漠漠雨初晴水滿方塘細草生聞道王師收漢北荒田從此可歸耕

錦江

江南江北草萋萋滿目韶光客意迷愁倚木蘭尋故跡青山無語鳥空啼

次仲燮韻石陽正字

遠客傷春已斷腸况逢寒食未還鄉家山風景君休

說落盡庭梅綠繞塘

其二

三盃春酒滌愁腸身世茫茫入醉鄉夢罷小欄天欲暮半簾微雨濕芳塘

雨夜書懷

春愁別恨雨茫茫空館孤燈正斷腸何事滿簾簷角雨隔窓終夜又浪浪

藍浦偶吟

半歲離家作遠遊歸心如水向東流春風無限相思意落日悠悠獨上樓

月夜與仲粟登月明樓

滿天明月客憑欄
山色朦朧水氣寒
此夜清光同兩地
玉人何處捲簾看

其二

春晚孤城夜寂寥
杏花如雪落長條
明月滿樓人不睡
數聲歸鴈海天遙

道傍杏花

數枝紅杏碧山隈
爛熳斜陽雪欲堆
蜂蝶不來春已晚
爲誰零落爲誰開

馬上口占

山擁螺鬟海拍天
叢花如錦草如烟
此間倘有閑田地
願結茅庵度一年

雨中

旅窓簷雨苦難聽
點滴終宵碎客情
何處過雲歌一曲
憑風時送斷腸聲

傷春

梅花落盡杏花殘
九十春光一夢間
惆悵不徒傷節物
二年龍馭尚西關

望海亭八詠次韻

槐陰濃綠蔭瑤壇
六月涼飈徹骨寒
半脫烏紗歌竹

枕飄然疑上閨風巒槐壇沂風

其二

烟沉山暝鶴歸松童子驚呼月上峰
萬里天街涼似水清光偏向桂花
濃松嶺迎月

其三

青山南畔碧溪西萬頃黃雲一望
齊蘆管帶烟歸壠遠數聲吹徹暮
天低西郊觀稼

其四

前潮纔落又新潮沒盡長汀半浸
橋安得便風乘小艇月明搖出海
門遙南浦看潮

其五

玉立竒峯帶翠嵐朝來倒影落清潭
一筇我欲尋僧去寺在山南與水
南白華朝嵐

其六

天邊遠報塞塵飛雲外黃昏一點
微立馬千門今不見蓬萊回首夢
依依都飛夕烽

其七

隨風清磬出雲林始識琳宮在碧
岑遙想老禪叅佛處石壇人靜彩
霞深林間遠寺

其八

濃似浮雲翠似鬟斜陽出沒海濤間昔年久忝蓬萊
籍今日遙看認故山海上烟鬟

次幕中諸兄韻呈伯延行軒

氛豁天衢日月新此生重見太平春羨君今日鞭先
著千里麻鞋見一人

次羅子升級韻送姜士高秀峻八歸 行在

離筵草草酒三行此別何心唱渭城西塞極天消息
斷臨歧今日倍傷情

其二

傷心無路共君行落日悠悠獨倚城錦江江水深如

許爭似關河遠別情

次新豐驛亭壁上韻

當樓山色送青來似慰行人觸熱來徒倚闌干惆悵
久故園何日賦歸來

新豐道上

峽路漫漫一線長山風吹袂晚生涼垂鞭緩過溪橋
去臨水棠花樹樹香

又用前韻

公庭寂寂日初長槐影沉沉畫閣涼燕子斜飛風欲
動滿階薇露浥簾香

披香堂月夜

朱欄迢遞枕方塘出水新荷暗送香
明月滿天烟樹寂夜深風露客衣涼

戲題留賓軒

華軒何事號留賓一笑三年未見人
唯有槐陰濃滿院午窓偏與睡魔親

其二

華構玲瓏絕點塵古今留得幾嘉賓
吾行忽忽忙歸去始識留賓別有因

移寓青油堂復用前韻

可笑青油幕裏賓今年猶作未歸人
客窓半歲孤眠慣除却寒燈更孰親

其二

黃庭誤讀落紅塵誰識前身是洞賓
弱水三千蓬島隔欲驂鸞鶴渺無因

月夕聞笛

矇朧微月透雲明烟樹蒼蒼露氣清
裊裊隨風何處笛隔林時送斷腸聲

夜雨

孤館寥寥夢不成隔窓終夜聽霖鈴
滄沱正識群龍

意欲向人間洗甲兵

登淳昌樓

斜陽悄悄獨登樓
萬里湖山縱遠眸
莫恠倚闌惆悵
久故園回首路悠悠

次接伴使金相公晬韻

新詩清麗字棲鴉
展玩終朝到日斜
安得溪亭陪杖履
春風同占白鷗沙

急雨

荷塘急雨亂跳珠
洗滌煩襟氣欲蕪
頃刻青天開白日
山光濃活展新圖

安國寺

當空白月大如盤
風露淒淒客夢寒
花影滿庭山寂寂
一聲笙鶴下瑤壇

其二

山空庭靜磬聲殘
宿客無眠倚畫欄
明月滿天雲影滅
碧霄千里可騷鸞

七題

荷塘秋日正暉暉
徙倚闌干欲暮時
脉脉相看無語別
此中心事有誰知

其二

風流堪笑楚襄王夢裏行雲枉斷腸寄語故人須認
取莫教荷葉老秋霜

其三

落日登臨喜慶樓萬家烟景正新秋玉人千里無消
息徙倚闌干不盡愁

其四

思歸莫上望鄉樓滿目風烟接素秋此夜羈懷人不
識蛩聲月色捻堪愁

其五

江南遠客又逢秋萬里歸心白盡頭咫尺故人期不

至夕陽惆悵獨登樓

其六

襄王朽骨已成塵千古陽臺恨益新暮雨不來猿叫
歇滿山明月碧桃春

其七

朝來微雨洗輕塵烟樹蒼蒼霽色新借問高唐何處
是薜蘿深鎖洞中春

其八

凌波仙子步生塵相見依然一笑新問我胡爲來下
界留連三十五回春

其九

三年奔走路歧塵鏡裏空添白髮新回首故山雲樹
隔關西千里又經春

其十

黃庭誤讀謫紅塵幾見人間歲月新天上群仙如有
問爲言潦倒度三春

其十一

黃昏空館雨廉纖遠客春愁十倍添咫尺蓬萊消息
斷杏花微月下重簾

其十二

薄暮桃花明小庭客愁和雨正冥冥憑闌忽作相思
夢隔竹窻禽苦喚醒

其十三

平生薄命杜秋娘老漢雖存則是亡想得洞房春寂
寞幾回清夜惜紅芳

其十四

秋荷雖老亦鮮明淨色清香惱客情欲折一枝無處
寄美人迢遞隔長城

其十五

碧樹涼風吹不休滿池荷葉已驚秋無端又失尋芳

約千里相思白盡頭

其十六

落魄江湖杜牧之十年贏得鬢邊絲
風流舊習今猶在更賦秋娘一首詩

其十七

一聲清嘯倚秋天遠色蒼茫起暝烟
湖海長程何日了客亭愁鬢又三年

雨中

終朝微雨細如絲擁褐甘眠到食時
寂寞柴門驚剝啄山僧來問點燈期

復用前韻

晴雲如絮惹游絲景物澄明雨後時
今夜月光應更好莫辜崇敬賞花期

其二

半簾香縷裊如絲正是先生睡足時
滿院薔薇開欲遍故園春色負歸期

其三

把鏡明窓鑷鬢絲紅顏非復少年時
都將壯節供辛苦惆悵還丹已誤期

其四

玉壺隨處繫青絲縱酒清狂荷 聖時白首不辭詹
父伴黃昏恐失羨人期

其五

愁緒縈回如亂絲殘生宿債了何時瑤琴掛壁塵絃
斷難得黃金鑄子期

其六

墨子何須悲素絲賈生不必憂明時歸田且效陶彭
澤行樂宜從榮啓期

次重綏韻

負罪明時只自憐杜門窮巷送殘年若爲化作閑鷗

鷺飛落玄真釣舸邊

題松禾東軒梨花堂

華堂新搆小軒西碧瓦朱甍瑞靄迷想見年年寒食
月滿庭香雪子規啼

次月峰宿八渡河韻

殊方草草送佳辰月色今宵分外新莫恠慙勤終夜
望清光應照兩鄉人

憇水站道中

斜陽策馬過孤城惆悵無人慰遠征多情最是山邊
塔萬古亭亭管送迎

次月峰華表柱韻

行人為汝久遲徊，幾見昆明動劫灰。
仙鶴不來雲杳杳，至今唯有碧桃開。

次月峰白塔韻

塔在遼東城外，世傳尉遲敬德所建，去丁酉八月地震半折云。

將軍氣槩儘雄豪，壯志當年斬海鰲。
千古遼陽留白塔，玉峰撐柱半天高。

七夕感懷

年年七夕一相逢，天地無窮幾度逢。
堪恨人間相別後，一生無路更相逢。

夜坐書懷

風入疎簾露氣淒，客懷今夜倍悽悽。
悲吟坐到三更盡，星斗闌干月欲低。

山海關逢歸人寄諸弟

山海關頭月正圓，客程回首渺三千。
逢人欲寄平安信，臨紙恁恁意惘然。

其二

難得河橋一字書，別來消息近何如。
征人苦樂君休問，白髮逢秋已滿梳。

其三

客裏悠悠歲月流，薊門烟樹已驚秋。
思歸恨乏雙飛

翼幾度郵亭獨上樓

其四

萬里風烟接素秋分明河漢近人流多情今夜中天月應照鷓原兩地愁

孤竹君廟

萬古清風孤竹君荒涼遺廟枕江濱扁舟我欲尋碑去恐起沙邊白鳥群

次萬柳庄韻

臨溪華屋是誰家垂柳陰中一逕賒遠客入門不見碧簷唯有燕飛斜

次韻奉呈希元尊兄

亂後重新舊草亭歸來心跡喜雙清閑中至樂無人共獨向溪邊步晚晴

其二

芙蓉千朵淨亭亭露滴踈篁鶴夢清莫道靜中迎接少亂山無數送新晴

題李楨畫

松陰滿地水縈迴獨折花枝坐綠苔童子亦知春興好杖頭携得一壺來

其二

移舟蘭渚月朦朧斜抱琵琶滿袖風欲汲清江新煮茗鴛鴦驚起暝烟中

贈別金士悅

雨滴高梧睡味長風生脩竹夢魂涼休將宦路論榮落始覺琴堂勝玉堂

其二

畫閣玲瓏絕點埃荷花嬌笑向人開憑欄盡日探佳句只恐閑多造物猜

送成則行

晉善

赴東萊

此去蓬山路渺茫悠悠別恨與之長應知兩地相思

處落月依然滿屋樑

山居幽興

招呼閑伴坐陽坡嫩艾初抽雪裏芽采采羹藟膾酒新春風味在山家

正月陽坡煮艾

其二

剝木分泉趁早春三池晴漲綠粼粼蒲芽欲吐魚兒戲漸覺幽居景物新

二月前池引泉

其三

洞裏春晴麗景遲山花開遍子規枝携筇趁得遊蜂去度壑穿林未覺疲

三月洞裏尋花

其四

侵晨荷鋤荒陂靈藥分苗帶雨移耽興不知山日晚
家僮來報黍新炊四月溪田種藥

其五

日長深院靜無人手汲山泉養綠筠滿榻清陰供美
睡不知門外有炎塵五月深院養竹

其六

陰壑飛泉噴雪霜樹林深處裸衣裳當流滌盡三更
熱贏得人間分外涼六月幽澗濯熱

其七

睡起虛亭納晚涼滿塘紅翠媚新粧天然秀色看無
厭落日移床更近香七月虛亭賞蓮

其八

紫栗經霜落滿園山中秋興屬幽人朝朝拾得盈筐
去錦里生涯也不貧八月後園收栗

其九

東籬秋色晚蕭騷獨掇寒香泛白醪醉叩陶樽歌一
曲淵明千載未全豪九月採菊泛酒

其十

隨風落葉滿空林錦積紅堆一膝深付與園丁供煖

堙山齋不怕曉寒侵十月掃葉煖堙

其十一

山童帶雪汲新泉石鼎龍團活火煎細瀉松聲香滿院一甌風致爽登仙至月雪水煎茶

其十二

夜雪新晴朝日暎滿山瓊樹掩重門簷前穩負黃綿襖此味何由獻至尊鵬月晴簷炙背

砥平道中

綠崖石棧入雲端俯瞰驚瀾膽亦寒人世險巇曾歷遍艱危始向此中看

其二

歷盡崎嶇出坦途茫茫前路接平蕪垂鞭信馬尋村店行到松川日未晡

次申明遠留別韻

秋窓手拓曙光微庭樹驚霜一葉飛搖落自然悲宋玉况堪明日送將歸

橫城道中

朝暉散射晚霞開滿目秋山錦繡堆莫恠停驂吟不去箇中詩思浩難裁

醉中戲贈野老亭主人李清州邦佐

四面秋山擁畫屏一溪清淺繞林坳高居勝賞真堪
詫何似吾家太古亭

又次任應秀稽韻

相逢歡譔舊情多夜飲厭厭酒似波莫道原城非我
土故人多處即爲家

見秋山憶舊居

華岳山前有弊廬一區泉石盡難如無端久作關東
客每見秋山憶舊居

晝眠偶吟

萬事人間已白頭此身端合卧滄洲蘧然一枕西窓

夢飛逐沙禽上釣舟

夜讀書感舊書懷

少年栖榻滌襟軒往事悲涼不忍論同學故人零落
盡白頭今獨一身存

其二

禪房曾共老僧居窓下明燈夜讀書堪笑宿緣猶未
了夢中時到舊精廬

其三

短髮蕭蕭雪滿梳生平迂計尚如初辛勤學古知無
用謾向燈前讀舊書

蒼峰驛

蒼峰孤驛亂山中數屋蕭條住澗東雞犬安閑籬落
靜此間疑有古淳風

廣灘逆旅逢柳謹之永謹夜話叙舊

同榜如今有幾人白頭相見舊情存寒燈逆旅孤村
夜十載離懷得細論

月溪路上望見呂德夫亭舍有感

故人墳草已芊綿江上高亭尚宛然懷舊不堪揮老
淚况聞鄰笛夕陽邊

拜先塋有感

丘原宿草已三年霜露淒淒百感纏追想音容如在
上不禁哀淚自潸然

聞黃河清喜而有作

聞道黃河徹底清此生何幸際 昌明從前辛苦今
休說擬向殘年看太平

砥平道中

亂峰殘雪夕陽時峽裏人家盡掩扉駐馬欲尋奇絕
句又逢溪口暮雲歸

安昌逢雨

凍雨霏霏欲濕衣青泥滑滑馬行遲征途辛苦吾何

恨添得奚囊一首詩

其二

不逢水磴即泥塗瘦馬玄黃倒又扶盡日只行三十里人間何處是通衢

次仲粟今是齋

滿目黃雲繞後前竹窓烏几午成眠鄰翁拄杖閑來訪笑道秋禾勝去年

其二

白首名場馬不前歸來端合北窓眠榮枯盡寄浮雲外惟向田間樂有年

其三

栽培花竹滿庭前閑即吟哦醉即眠塞馬偶來君莫喜誰知樗櫟保天年

其四

爲問晨趨玉陛前何如林下日高眠長生不必勞形役况復浮生未百年

其五

脫得名韉早退身翩如雲鶴迥超塵憑君莫道何曾見林下于今有一人

其六

十畝閑閑自在身臨溪茅屋靜無塵村邊不見催租
吏門外時來佩酒人

其七

鑿井耕田老此身閑中日月隔凡塵柴門晝掩無來
客一枕清風當故人

其八

東華收得倦遊身心似高僧斷六塵擊壤獨歌還獨
笑一生乾沒是何人

元韻

萬事傷心在目前強將村酒醉昏眠金山賴有菟

裘地今是齋中送暮年

可笑儒冠誤此身十年虛踏帝城塵如今始遂郊
扉計閑者人間得意人

復用前韻作四時詞贈今是翁

斜陽步屨過溪前麥壠春暄野雉眠花柳滿村門盡
閉隔林簫鼓鬧祈年

其二

日射東窓始起身夜來微雨洗輕塵扶筇晚出柴門
外滿目烟花惱殺人右春

其三

移秧分插小塘前
植杖時依壠樹眠
除却課農無一事
靜中長日杳如年

其四

細葛輕衫穩稱身
竹林深處篔簹無塵
都將永日供閑睡
絕勝朱門炙熟人
右夏

其五

寒蛩唧唧近床前
一榻秋聲枕臂眠
紫蠓正肥香稻熟
田廬隨分可終年

其六

月入秋帷冷逼身
篔簹中還拂故衣塵
開樽獨酌黃花

酒千載知心粟里人
右秋

其七

官租輸趁未寒前
村逕人稀夜犬眠
鄰舍晚聞新釀熟
負暄深酌餞殘年

其八

紬衾暖煖卧閑身
窓外何知積玉塵
遙想九街風刮面
幾多晨夜逐名人
右冬

橫城紀行

冰灘吼怒走晴雷
行旅攀援怯往來
爲政不思民病涉
世間難得濟川才

三龜亭八詠

亭在安東
豐山縣

芙蓉一朵聳晴空
縹緲雲烟望眼中
安得御風凌絕頂
俯看紅日上天東

右鶴嶠晴峰

其二

削立巉巖石骨青
天工活畫妙難形
朝朝對卧看真面
絕勝元暉水墨屏

右馬崖峭壁

其三

清明花柳暗前村
滿眼韶光正斷魂
青旆誰家誇酒美
欲乘新月夜敲門

右縣里烟花

其四

蒼髯鬱鬱遶山岡
爽籟遙聞夏亦涼
勁節本來凌虐雪
肯随桃李媚春陽

右驛洞寒松

其五

霜落江鄉萬穀成
村村簫鼓賽神聲
扶筇縱眺斜陽外
十里黃雲眼底平

右長郊觀稼

其六

桃花晴浪鱖魚肥
小艇撐來疾若飛
日暮沙頭爭舉網
滿筐收得雪鱗歸

右曲渚打魚

其七

赤日當中草木焦
塵寰無處脫煩歎
憑闌斗覺風生

腋快若乘雲上玉霄右三伏避暑

其八

碧落烟消桂影斜星河收彩露凝華人間一様今宵
月箇裏清光分外多右仲秋翫月

三月三日雨雪記異

三月原城雪滿山繞天花柳半摧殘踏青欲赴鄰翁
約披出重裘尚怯寒

朴堤川正伯示以畫簇二軸其一李楨雪嶽畫
其一李澄秋江畫也筆跡俱妙愛玩不已戲占
以贈

王孫筆跡妙龍眠千里湖山几案邊假我數年如不
惜白頭當作卧遊仙

其二

數幅鮫綃掛壁間朝朝相對伴清閑君家屏障知多
少剩水殘山定不慳

正伯以秋江畫一軸見贈又以一絕謝之

滿目湖山秋月圓隔林漁店鎖寒烟孤舟欲向江南
去興在蘆花落鴈邊

春城訪敬叔別後口占寄贈

南湖一別五經年草土風霜共苟全萍水乍逢雲易

散不堪離思更茫然

復寄敬叔

飄轉真同管幼安江湖鷗鷺舊盟寒十年世事茫如
海笑向浮生指一彈

原昌驛川邊歇馬

青山環繞水縈迴夾岸山花映水開真界不須尋絕
境此間風景似天台

春城道中徐生

繼賢携酒來迎醉後口占

綠楊深處小溪橫一樹梨花照眼明邂逅高朋成野
酌不知山日已西傾

洪川舟中設酌

輕舟搖漾泛清波春晚芳洲別恨多客淚數行元自
落佳人休唱渭城歌

洪川道上

山木陰陰谷鳥啼碧溪雷轉路高低林花落盡春無
主獨立斜陽意轉迷

朴正伯歸來亭題詠

春光先向古查催冷蘂寒香雪裏開明月滿庭疎影
動隔簾疑是玉人來右古查暗香

其二

嫩葉猗猗舞檻前清陰深處綠生烟輕風欲起心先
爽忘却人間六月天右新笋清陰

其三

涼風颯颯動荷塘曲渚漂紅錦一張惆悵芳魂招不
得謾收金粉嗅殘香右蓮房墜粉

其四

天街如水露凝華一片水輪影半斜最是夜深奇絕
處白蘋洲畔漾金波右蘋洲落月

其五

霜落郊墟樹影疎隔溪茅屋是誰廬蒼然暝色寒林

外一點青燈盡不如右遠村孤燈

其六

薄暮頑雲暗半空紛紛憑雪舞回風俄然幻出瓊瑤
界玉樹琪花暝靄中右長林暮雪

臨別以茶絲冠留贈正伯

一幅輕紗烏角巾著來疎爽稱閑身臨分寄與沉冥
客照影清溪憶故人正伯自號沉冥

柳成川正由有竹枕戲贈一絕借之

年來衰病苦侵身除却安眠總是塵虛閣日長無好
伴憑君要借竹夫人

七月二十二日保寧韓元之家夢見朴正伯形
容枯瘁殊異平日覺而驚恠詩以記之

故人消息杳難知夢裏形容異昔時推枕曉窓驚
起坐一眉殘月在松枝

過錦江憶舊遊有感

披香堂裏昔留連陳跡依依一夢邊屈指同遊零
落盡白頭重過淚潸然

其二

錦江亭畔倚斜暉物色依然往事非二十九年重到
此誰知孤鶴是令威

過趙漢昌第感懷口占

荒涼池館掩東風昔日豪華一夢中春色不知人事
變桃花依舊滿庭紅

其二

門前舊客散風埃庭院無人長綠苔最是多情堂上
燕嚙泥終日去還來

李積城得天挽

少日相從泮水村白頭猶喜舊情存黃粱未熟雙鳧
遠惆悵人間獨斷魂

其二

萊蕪活計甌生塵五馬功名不救貧聞道江南歸旅
櫬幾多村巷哭遺民

李參判訖挽

一舸朝天載櫬迴 皇恩優渥 聖情哀無窮悔恨
無涯慟何處重逢說此懷

其二

山海風塵度一年烏蠻炎兩病還纏須知萬事皆前
定復魄昭丘豈偶然

其三

义翁一去未招魂萬事人間尚忍言今日又看孤櫬

返長號不覺淚河翻

寄贈李判書士祐

容顏丹渥鬢毛玄遐壽應知到百年莫向三清尋羽
客人間此老是真仙

其二

少年蕭寺托知音莫逆交情老更深來往不須煩杖
屨夢中長與細論心

病中懷月沙

相思不見月沙翁夢裏時逢一笑同抱病杜門花落
盡可憐佳約已成空

其二

傷同樂正卧經旬洞裏看花負一春多事山禽苦喚
起提壺勸酒爲何人

寄副學三水謫中

行色蒼黃遽出城臨歧無語只吞聲傷人咄咄皆垂
涕何況生離父子情

其二

志切匡君欲弼違那知忠告犯雷威一時寵辱何
須說留待他年定是非

其三

由來盛滿足招灾况復名官是禍胎得喪蚤知同塞
馬榮何歡喜悴何哀

其四

鬼門關路接陰山朔雪嚴風徹骨寒莫望飛雲頻陟
岵別來眠食幸平安

其五

東郊一別尚依依關嶺重重夢亦稀洛下日來風浪
靜聖息應許早還歸

其六

庭前霜菊亂紛披曾是辛勤手自移關塞極天消息

斷折來何處寄湘纍

其七

汝憶我時吾憶汝兩情千里定相同
飢寒疾痛長關念努力加餐慎保躬

其八

世間何事不關天此日茲行亦是天
且復寬心安義命古人窮達任蒼天

其九

夢裏分明在眼前覺來關塞杳三千
携錢欲向君平問白首重逢倘有年

其十

天地氤氳萬物春湘潭何事泣靈均
遙知獨立黃昏月手把薜蘿望北宸

寄三水謫人

節序如流逼歲除關山無極斷來書
今朝又送兒孫去淚眼長寒獨倚閨

夢起寄三水

夢裏形容兩鬢華相者無語只咨嗟
覺來關塞猶千里驚起開窓落月斜

乙亥春寄三水謫客

別後光陰又一年無情山月幾回圓乾坤處處皆春色霜雪猶嚴塞北天

贈春川

一帶長江碧玉流宦居清絕當仙遊此生永負東林約回首滄波愧白鷗

有再訪清平之志而今已老矣恐未遂願故云

送別宋清河希進之任

明時謫官意如何飽煖君恩及一家嶺海不須傷遠別春明門外即天涯

丙子春帖

白髮蒼顏舊政丞翛然心跡似山僧門前客子還多

事爭賀新年福祿增

其二

今年臘月凍全融睡起東窓瑞日紅柳色漸黃梅吐白新春光景屬閑翁

其三

新年氣味問何如身健官閑樂有餘門掩落花塵事絕竹林虛閣散琴書

其四

溪冰初泮野浮陽春滿乾坤化日長啼鳥落花渾不管小窓高枕夢羲皇

洪上舍過九日送酒走筆以謝

東籬秋色正佳哉獨採黃花坐綠苔誰謂故人知此
意一壺遙送白衣來

次子升梅花韻

春陰漠漠雨新晴一樹梅花暗吐馨相對無言情脉
脉藍橋絕勝見雲英

自原城還宿卧遊菴次叔度韻

荒涼破屋洛城中四載歸來產業空唯有青山不改
色一軒相對與君同

五言律詩

次趙生韻

畫閣臨空迥憑欄望眼遙連雲山萬疊繞屋竹千條
客路年將暮江城雪半消今宵看太白光彩已收妖

其二

危樓高縹緲遠客暮道遙池雪埋荷柄溪烟鎖柳條
百年人事變千里旅魂消 聖代長沙郡無勞賦鵬

妖長沙茂長別號即
李石難謫居處

其三

漠漠窮陰盡迢迢故國遙一身蓬轉雙鬢雪蕭條
歲暮羈愁苦更深畫燭銷中興猶可待無復夢魂妖

次南皋韻

憂國霜侵鬢思人淚濕裾豺狼猶在邑 宗社已成墟
客路關山遠鄉心海月虛南來多少景一一捻愁
余

行到咸平境上加里驛又用前韻

落日登高閣寒風動客裾雪霜迷海曲烟火冷村墟
去國年将暮還家計又虛沉吟迤行久歸思正催余

臨淄

暮入臨淄鎮孤城壓海波潮聲喧客枕雪色冷漁簑
世事憑危涕羈愁付短歌蓬萊如可到直欲泛仙槎

其二

歲暮仍為客天寒復此亭城高隣北極地盡近南溟
戀闕心常苦傷時鬢欲星風塵空老去腰下愧青萍

寄汝益敬叔

君親千里隔湖海一身孤故國兵戈滿他鄉歲月徂
何方為樂土隨處盡窮途欲向巫咸問天心悔禍無

其二

時事今如此餘生未可知無心思故里何日定歸期
撥悶看霜劍排愁把酒卮多情唯海月隨我到天涯
雪

半夜風鳴屋平明雪滿臺山川迷失色天地淨無埃
階竹枝枝重村梅樹樹開豐年猶可賀相對莫辭盃

偶吟

近得江都信渾家免死亡居人猶烏竄兇賊尚鷓張
女病長求肉兒寒未出房思之難可見歸路杳茫茫

次金生韻

落日寒無彩荒村暮角鳴樓高人獨立天濶鴈孤征
客路何時盡風塵久不清男兒一劍在休歎二毛生

梨津

海國歲云暮天涯人未行孤烟生極浦落日下層城

渺渺山千嶂烏烏角一聲登樓發長嘯誰會仲宣情

月夜

孤城夜擊柝遠客夢初醒樓月當空大村燈映水青
乾坤雙白髮湖海一浮萍莫恨功名晚天山可勒銘

偶吟

任重山難負身輕葉不如憂深顏鬢換客久歲時除
軍旅元非學迂愚况有餘陶家三徑廢何日賦歸歟

別趙參奉往江都

千里同爲客君歸我未歸春風初淡淡離思正依依
身似籠禽繫魂隨去馬飛生平能制淚今日欲沾衣

珍原道上

馬上經年客山邊隔水村斜陽明屋角殘雪擁籬根
門放西湖鶴窓留北海樽生涯吾羨爾何必訪桃源

秦仁屏上次杜工部韻

雪霽春陰薄泥融去路遲池深鳧浴處山暝鶴歸時
暖氣催梅萼和風拂柳絲年華挑客思隨處有新詩

金溝道上

身世同征鴈逢春又北歸胡爲心不樂只是事多違
未報收京闕無由破賊圍淒涼白獸闥回首夢依依
宋仁叟承 召赴 東朝次敬叔韻以贈

湖外初逢日天涯遠別時春陰迷海國細雨濕襜帷
戎馬龍山北鑾輿鳴水隈何當隨子去聯袂拜 彤
墀

藍田驛

歇馬藍田驛支頤笑此生悠悠長作客役役竟何成
無計羈南越傷心詠此征雲溪如種玉何用浪隨名
次幕中諸兄韻呈伯延行軒

海天春更濶游子解行舟老柳餘空館殘梅落古郵
頑雲浮嶺嶠戰骨曝沙洲舉目皆愁慘君歸應白頭
汝秀爲靈光倅寄書

關外三春盡湖南一札傳相思同彼此離夢隔山川
箠楚君應老驅馳我獨賢行藏宜蚤決投紱可歸田

其二

東海鯨波動南州羽檄馳鶯花尚知節世事不勝悲
洗甲應無日連床未有期池塘芳草遍新得夢中詩

送金孝仲賀 聖節千秋冬至之行

南紀無雙士東韓第一人承綸凌渤海趁節賀 楓
宸雪月 龍樓曉烟花 鶴禁春賓筵有寶誌應識
石麒麟

次宋仁叟韻贈南伯馨

世亂憐君老飢寒白髮生驚非前面目認得舊音聲
滿腹經書在交頤涕淚橫人間無叔向誰復識駸明

其二

高林秋氣至虛閣夜涼生皎皎月流彩啾啾虫送聲
年華空晚晚豺虎尚縱橫世路知音少同君訪四明

送黃思叔奉使日本

二年留虎穴萬里涉鯨濤 聖代豈人少精忠惟子
高臨危須盡節許國敢言勞行見回帆日歡聲動海
鼇

其二

奉使不辱命在朝無出君廟堂思活國儕伴惜離群
愷悌神應勞聲名虜亦聞行行仗忠信談笑靜妖氛
同體察使李議政住玉山書院餞歲次接伴使

金相公晬韻

先賢留古廟遠客憇征驂當日身投此千秋道在南
高山多士仰遺澤小民談往事悽遊旅潛然淚不堪

其二

蕭洒堂依竹寬平石作除溪山圖畫裏松桂雪霜餘
壁掛蘇翁句門留退老書春來當再訪林下跨青驢

其三

豪氣衰猶旺詩情病未除顛狂遊物表吟嘯試冬餘
酒或携從事期能顧尚書蕭然風雪興長在灞橋驢

其四

佳氣生三金闕妖星晦 王除中興看漢業遺子喜
周餘王者今無戰歸歟可讀書庀形與短技休自效
黔驢

其五

策策窓扉語風威怒未除三更殘夢破半壁小燈餘
世事雙蓬鬢行箴一篋書明朝宜早發呼僕秣征驢

次月峰韻

羈懷長咄咄客夜永迢迢故國千山隔前程萬里遙
年華愁裏送顏髻鏡中凋明日江南去扁舟放晚潮

浣溪來見仍次其韻

京洛論文地知心有李生白頭情不變青眼喜相迎
絕塞安耕鑿幽居晦姓名小窓聊永夕殘日下層城

次月峰金石山酒舖即事韻

小屋依山麓青旗颺水隈行人初歇馬落日試登臺
世亂身猶遠天昏雨不開年華與衰謝客路兩相催

其二

客路龍灣北家山漢水隈空將去國恨獨上望鄉臺

未見風塵靜何曾淚眼開勲名屬遲暮華髮鏡中催

宿鳳凰山下記事

薄暮投孤店柴門倚小溪主翁迎客坐稚子畏人啼
簞潔涼堪卧身疲夢欲迷頽然仍不省山雨夜生泥

次月峰宿高嶺村店韻

去國日已久思歸那可禁逢人多異色見我恠殊音
逐旅侵晨發尋村到夜深誰云遠遊樂無處不傷心

次月峰途中即事韻

渡口客初到河堤潮欲平薰葭明返照鵝鶴弄秋晴
往事無人問孤舟送我行邊塵應永息天宇向來清

高平復用平字

蹇驢載倦客落日到高平
燕語驚秋序蛛絲閃夕晴
詩情喜有助消渴苦難行
萬古污池水投膠亦不清

即景

閭陽孤店裏落日岸烏紗
廢郭埋秋草踈籬帶豆花
鄉關天外隔雲樹望中遮
多事簷前燕迎風故故斜

楊總兵照墓

一死人皆有惟君死亦榮
誓心期敵愾臨陣竟捐生
墳草迎秋綠松陰滿院清
豐碑當道立千載仰高名

楊家林園

鞍馬炎程苦林園簟席清
泉寒通雪竇樹密有蟬聲
欹枕魂初爽酣眠骨自輕
經過多少店此地最關情

次月峰途聞東報韻

爲客歡娛少傷時感慨多
連年長道路故國尚兵戈
白髮愁邊亂青春夢裏過
艱難供壯節其奈太平何

次月峰貞女祠韻

一別良人後空閨度幾年
追隨來絕域淪沒隔重泉
慟哭長城下行尋碧海邊
貞心仍化石千古帶風烟

寄舍弟高山驛丞

旅况今安否音書久杳冥
頭從別後白草入夢中青

已矣時當否胡然子獨醒驅馳莫厭苦猶勝泛滄溟

奉使耽羅未久赴北

挽人

喪患年來極悲懷說向誰那堪失子日又作哭君詩
舊識今餘幾吾生亦有涯秋風無限淚揮洒暮江湄

其二

異骨看龍種奇毛識鳳雛身為當宁舅仕作執金
吾舊業餘黃卷新阡枕碧湖音容俱寂寞天地一長
吁

贈別金士說允

秋霖連數日悄悄客愁新倚欄寂無伴非君誰與親
清談傾肺腑傑句見風神世事真難料相從莫厭頻

其二

陶令歸何日秋來白髮新雨聲愁不寐燈火耿相親
壯志衰無奈高歌稟有神故山松桂月空覺夢魂頻

送朴同年明樽赴居山

洛下相逢日天涯遠別時臨危各努力垂老易生悲
窮達須安命功名莫恨遲郵亭如有暇頻寄盛山詩

挽人

喬嶽聲名重岩廊德望隆民方倚安石天遽奪揚公

直疏輝青史清芬播海東龍門餘舊客揮淚想高風
豐基黃叅判暹家贈安伯恭崇儉

嶺外梅初動天涯客始迴經過長者宅邂逅故人盃
歸路丹丘峽幽居小白隈相思別後夢千里倘尋來
偶得短律奉呈新寧宋使君

繞屋竒巖古臨溪小閣虛梅殘風擺後灘咽雨過初
境勝饒詩興官閑絕簿書此中無吏隱何必訪幽居
太古亭即事

樹密濃陰靜亭虛小簾涼泉鳴階下玦荷送枕邊香
手懶拋詩卷神昏入睡鄉山中閑意味偏覺此時長

次今是齋韻

懶性仍成癖郊扉卧十春蒼髯爲勝友青嶂是芳鄰
門徑從生草琴書任沒塵村翁携酒至時復慰清貧

其二

境靜心常靜村稀客亦稀冥觀窮至理默坐悟玄機
身外皆虛妄人間謾是非多情綠蘿月終不負巖扉

元韻

吾愛吾廬靜蓬門掩一春人踈花滿徑村僻樹圍
鄰無事是爲貴居閑非避塵園中有芋栗誰道我
全貧

結屋依林麓幽居人事稀不憂徒立壁但喜已忘
機學圃知今是趨塵悟昨非苔堦客久絕山翠自
臨扉

望日寺

五月天中節三清地上仙尋真聯白騎越險到青蓮
境靜生虛籟心空絕俗緣團欒成夜宿新月向人妍
其二

殿古何年創僧殘幾箇餘山從憐鳳臺天向肅寧虛
世事悲歌裏松陰午睡初逍遙自有趣不必悟真如

趙守倫母夫人挽

少作陶門客曾聞孟母賢端莊自天賦禮法紹家傳
半世傷孤影遐齡到百年幽明更無憾龍劍會重泉

林龜城植夫人挽

兩世通家久曾聞婦德尊遐齡享八袞積慶有諸孫
鸞鏡收孤影烏山葬一原生芻無路奠題挽獨傷魂

李順川通挽

蓮榜聯名忝芹宮托契親交情淡若水氣味老彌醇
草土經三載丘園病一春幽明仍永隔懷舊倍傷神
客中望見秋山正好不禁故園之思用東坡卧
看秋山思洛陽之句分韻作

途窮仗友生歲晚滯江左衰病苦侵尋摧頽成懶惰
萬事付長嘯一枕供高卧自有陋巷樂何嫌首陽餓

其二

客裏星霜換愁邊髮髮殘酒因排悶飲書爲破眠省
浮世身如寄名途夢已闌南鄰秋社近時逐老農歡

其三

破屋洛城裏虛亭溪水頭楓林霜爛熳藜杖日遨遊
不見今三載思歸又一秋山中舊猿鶴還憶主人不

其四

雉岳秋將晚蟾江客未還悲涼眼前事衰颯鏡中顏

落照浮雲外寒聲亂樹間天涯空極目何處是鄉山

其五

滿目雲山好驚秋客意悲未嘗桑落酒空對菊花枝
骨肉無消息親朋有別離萍蓬久飄泊垂老只長思

其六

清曉坐虛堂秋光入簾幕窮居轉荒涼旅况愈蕭索
歸帆阻江漢夜夢繞嵩洛獨酌一盃酒長歌慰寂寞

其七

霜氣涼侵戶蛩聲咽近床野塘荷倒盖村樹葉飛黃
爲客三秋盡還山一夢長無邊搖落恨杖屨送斜陽

暮雪

閉戶僑居冷漫天暮雪飛吹烟濕不散宿鳥倦知歸
故國三年別他鄉萬事違飄零應有數吾道未全非

遣懷

世事亂春夢年光劇逝波生涯已潦倒勲業竟蹉跎
對酒歡情少題詩苦語多窮愁無處遣時復一長歌

歲暮

歲暮風威緊雲低雪意多櫪寒嘶病馬林暝噪歸鴉
幽憤憑詩遣衰顏借酒酖西關烽未絕消息近如何

歲暮思歸

短景催殘臘他鄉逼歲除松楸頻入夢骨肉久無書
老厭看新曆貧思返舊居春江放船好歸計可虛徐

除夜感懷

還甲明朝是悽然意自悲親年當喜惧身世際艱危
愛日情何極傷時淚欲垂宵中紛百慮不獨歎吾衰

清明日馬上口占

客裏春將半村邊物自華山梅初放萼溪柳欲成花
世路元多梗吾生亦有涯清明看又過何日是歸家

山木

無限滿山木森森誰種栽空霑雨露澤不合棟樑材

樵斧何曾及盲風亦未摧長松生絕壑孤秀爾何哉
次成仲深田園雜興韻

灼灼花粧屋傲傲柳拂臺灌畦泉遠引通燕戶新開
送老書千卷澆腸茗一盃柴門聞犬吠携蕨野僧來
右春

其二

岸幘眠風榻披襟步石臺日長槐影靜波暖藕花開
課僕鋤瓜圃呼兒洗玉盃鄰家新釀熟乘月可賒來
右夏

其三

地僻人誰過天晴獨上臺野黃禾欲熟籬艷菊初開
浮世觀棋局幽懷付酒盃樵歌如有意相和出林來
右秋

其四

半夜風鳴葉平明雪滿臺香殘灰已冷門掩徑誰開
自撥床頭甕孤斟帳裏盃陶然醒復醉長恐俗人來
右冬

鄭同知 弘翼 挽

西郭分離日南荒放逐年乾坤運始泰炎瘴病還纏
才未明時用名應萬古傳誰云仁者壽吾欲問蒼天

送別權僉知督以冬至使赴京

霄漢乘槎客龍門第一人承綸輕渤海趨節賀
宸破浪長風好還鄉旅夢頻歸來須及早同賞小園
春

送尹止中赴吉州

塞外分憂日樽前把酒時那堪垂老別又作隔年期
客路逾千嶂行裝減一龜憑君問累客為我道相思
時汝秀
謫吉州

次安正墩韻

一壑幽棲穩優游樂 聖時登臺迎月出隱几看雲

移青嶂爭排闥紅塵絕點池平生涯分足何敢歎盈
虧

其二

官秩登黃閣生涯老草亭何關綬若若不耐鬢星星
弘濟無長策淳熙憶大庭同襟有令姪時對眼還青

丁監司好善挽

昔我居東日當君按節時冲襟開閩奧高義軫寒飢
往跡雲俱散相思月幾虧存亡不重見白首淚雙垂
權留守盡已挽

五十未全流光何遽催鵬飛不盡翰雞夢忽成灾

今譽餘朝論清標隔夜臺殘生哭兩世人事轉堪哀

鄭上舍滋挽

同里少相善連門情更親生平傲軒冕身世任清貧
往事思如昨高標已隔塵人間知舊盡垂白獨傷神
具綾海夫人挽

系出完山後歸從綾海翁幽閑得天性禮法紹家風
仙府雲輶遠人間絳幔空張林嗟已老題挽愧難工
延陵府院君挽

一代文章伯 三朝耆舊臣聲名重山斗勲業煥麒麟
麟天上金星晦人間石獸新清詩留滿篋披對擬心

神

尹叅判止中母夫人挽

配德官封峻宜家壺範尊齊眉餉君子九膽教兒孫
夢裏黃梁熟人間絳帳存陶門餘舊客題挽自傷魂

同年洪仁佐挽

蓮榜聯名日芹宮奉袂時風塵一為別雲樹幾相思
浮世黃梁熟危途白髮垂交期從此絕泉路倘追隨

沈進士穩挽黃秋浦之外孫沈舍人光世之子也

秋浦死於謫中書年不長猶欣宅相在所慰白眉良
天道誠難測斯人又見亡殘生哭三世何忍寫哀章

五言排律

原州叔挽

早年重折桂絕藝妙穿楊守分功名薄安貧產業涼
長城人不識雄略世誰當紫極星初落黃梁夢忽忙
苔昏新劔戟塵掩舊盃觴駿馬悲無主孤兒哭返鄉
丹旌隨洛水寒月鎖松岡不盡羊曇淚臨風洒萬行

送人以冬至使書狀赴京

送子朝天去朝天樂事多眼看新景物耳絕世紛拏
到處欣迎客逢人好勸茶名園饒勝賞游俠競豪華
綠樹知村店紅旗認酒家舖中堆蜀錦邊上靜胡笳

山海關門入夷齊廟下過清風猶颯爽遺像儼崑崙
去去皇居近迢迢驛路賒行同遼塞鴈朝趨午門
鴉瑞旭明金闕祥雲繞玉河新陽初發管微雪欲
成花萬國來無後千官肅不譁聲容周禮樂文物漢
繁華昔賀千秋節曾隨八月槎恩添光祿飯榮廁
紫宸衙往迹渾如夢仙遊尚可誇百年愁汨汨雙
鬢雪皤皤垂老難為別臨歧只自嗟嚴程無歲暮努
力飯須加

十一月二十日宿橫城是夜大風

萬竅風號怒三更客夢驚初疑鐵馬過還似海濤傾

轟輶聲堪怕奔騰勢若爭窓扉鳴不定童僕喚無聲
厚地龜應坼荒林虎欲行手寒截更縮衾重擁還輕
輾轉天難曙吟哦句未成明朝水路險羸馬若爲征

文陽叔母挽

福祿論名閥吾姑冠海東柔嘉自天性禮法紹家風
積德膺純嘏娠賢配 聖躬門闈連 紫闥宅相有
青宮逢府 息封峻金門 禁籍通八珍榮養至
三接罷光隆令節兒孫會華堂子胥同金章聯煥
赫玉樹映玲瓏舞綵春暉永宣觴 御醞宗歌迤纒
罷撤壽錄遽終窮天上雲軒遠人間絳帳空悲情纏

遠禁襄事軫 宸衷禮數優存歿哀榮極始終佳
城仍舊地玄宅近先公朝岫爭環拱祥雲藹鬱蕊嗟
余生懦拙垂老尚愚蒙眷顧恩情至涵濡惠澤洪一
生常鏤骨三載歎飄蓬祖奠孤門外羈蹤滯峽中哀
詞和淚寫悽斷句難工

南司禦學顏挽

浮世誰無死唯君最可憐行年未半百一疾奄黃泉
南嶽初看鳳東床早擇賢風標明玉雪襟韻藹蘭荃
蓮榜聲名大龍門道路邐嗟跼官五品冷落屋三椽
天上樓催記人間夢未圓少強安足恃才命竟難全

白髮親何託青氈子幸傳佳城卜先寵哀挽遡靈川
此別歸無日他生倘有緣傷心對孤寡垂淚送殘年

仙源遺稿卷之一

仙源遺稿卷之二

七言長律

黔毛浦

行盡松間十里程客懷無賴倚孤城風傳畫角山光
暮日射紅旗海色明舉目不禁周顛淚思人叵耐少
陵情何時挽得天河水淨洗妖氛到玉京

仲栗在賊圍不出思而有作

靈泉洞裏一分離孑孑孤蹤底處歸人道生存那足
信賊方充斥恐難支天寒玉女憐應凍糧絕憐兒想
苦飢日夜相思無路見此生重會是何時

子麟玉仲栗
女名

次趙韻

憶昔承恩侍玉墀禁園春晚落花飛天香縹緲爐
烟上化日舒長午漏遲暮醉宮壺迷翠闥夜携銀燭
出彤闈如今盛事難重見淚洒南天望紫微

其二

一自南來消息稀每登高處望雲飛天寒旅榻歸心
切歲暮關河去路遲半世光陰催髮髮中宵魂夢到
庭闈春暉未報身將老自愧誠心寸草微

會幕中諸賢

京國衣冠聚一州相看不覺淚雙流清揚縱是前顏

面憔悴殊非曩集遊莫向山河悲舉目須將樽酒強
登樓他鄉此會知難再明日關山道路脩

有感

踏遍南州久未還貂裘弊盡歲將闌三聲曉角吹殘
月萬里歸心倚畫欄鏡裏雪霜顏髮改腰間星斗劍
光寒宵中已畫平戎策麟閣功名也不難

憶昔

洛下閑游記昔年逐涼長繞小池邊荷香冉冉清堪
賞山月妍妍白可憐隨意開樽成獨酌臨風脫幘露
華顛醉來時倚松根睡魂夢依稀到葛天

新春書懷

春風吹入曲欄東，徙倚高樓恨不窮。
一抹雲山孤鳥外，萬家烟火夕陽中。
光陰鼎鼎將催老，歸計悠悠又墮空。
忽憶去年今日事，百官朝罷建章宮。

珍原道上

空林寂寞鳥鳴喧，處處人家盡閉門。
慘目人生那忍說，傷心時事與誰論。
丁男負羽皆從役，健婦輸租不在村。
唯有老翁閑守屋，茅簷斜日弄兒孫。

保寧路上逢雨

奔馳南北與西東，送盡光陰客路中。
鬢髮已添今日

白花枝不減，去年紅愁懷悄悄。
連天雨歸思飄飄滿，袖風謏薄。
自知無處用，海邊堪作釣魚翁。

書懷

溪邊垂柳綠依依，牆外桃花暎客衣。
漢北干戈何日定，關西消息近來稀。
風塵擾擾龍泉老，歲月悠悠燕子飛。
少婦不知王事急，書來頻問幾時歸。

別姜太初

南中風味昔曾諳，今送君歸逸興酣。
水落前溪肥紫蟹，霜濃後圃熟黃柑。
冥鴻海鶴元難繫，秋思離情兩不堪。
倘有閑田須著我，竹林同結小茅菴。

與友人及舍弟輩遊安國寺

蕭條古剎亂峯中石路崎嶇上不窮山接海門千里
濶天教吾輩一尊同相逢且喜身俱健對酒休論髮
似蓬醉裏酣眠禪榻穩烘窓旭日已生東

其二

憶昔承 恩侍禁中論思多暇即研窮狂言詎有涓
埃補 聖渥還將雨露同陳迹至今如夢寐仙遊回
首隔瀛蓬丹心不與關河遠日逐江流萬折東

其三

愁邊不覺度三春此日偷閑一訪真綠漲前溪山雨

足涼生虛閣樹陰新誰知白首者花客曾是青綾視
草人醉裏憑闌空跌宕西風吹落紫綸巾

憶舊遊贈李之薰生

元戎幕府昔曾遊踏遍湖南四十州秋晚荷亭淹驛
騎春晴紅浪泛仙舟驚人勝跡休煩說入夢清歡動
暗愁遙想當年行樂地至今惟有月空留

別李生還靈光

綠楊如髮草萋萋唱盡陽關日欲西桂酒未能留客
醉流鶯何事向人啼離魂暗逐南雲斷鄉路遙連錦
水迷此後相逢難袞袞臨歧那忍早分携

亡題

倚筇無語立斜暉
垂柳陰中白竹扉
戀樹殘紅飛不散
盤雲獨鶴暮知歸
羈愁得酒猶難解
殊俗多猜未可依
千里美人消息斷
感時傷別淚沾衣

其二

門前柳絮已飄綿
墻角花枝欲暮天
身健不辭長作客
時危無力可扶顛
歸田每欲師元亮
治產還慚後計然
猶有夜來蝴蝶夢
滿簑烟雨釣江邊

其三

山中昨日舞商羊
簾外朝來雨脚忙
初訝天孫飄織

縷忽疑神女下
高唐紅侵小閣桃
花嫩綠遶回塘
蕙葉光除却哦詩
無一事閑窓燒盡
聚仙香

書懷

世事紛紛堪白頭
何時歸去老漁舟
齊門操瑟知難合
東郭吹竽且更休
得失固將同塞馬
行藏聊欲問沙鷗
春閑穩睡茅簷下
絕勝人間萬戶侯

次友人韻

人間何處滌塵襟
江上孤舟傍樹林
湖海十年空送老
峩洋千載少知音
臨危漸覺功名薄
飽散猶蒙聖渥深
且把清樽酬勝節
明時休作澤邊吟

次前韻示舍弟季直叔度

水月精神冰雪襟妙年聲譽擅詞林游龍戲鶴鍾王
筆擊玉掄金正始音萬里已看鵬路濶五雲休歎鳳
樓深繩樞草舍知無用應笑終朝費苦吟

其二

登臨江上試開襟處處漁村綠滿林汀草暗生游子
恨菱歌頻送異鄉音莫驚世故催人老且喜韶光著
柳深莊鳥何年是歸日白頭猶作越中吟

次友人韻

千樹梨花爛熳開劉郎此日又重來輕風動處繁堆

雪嫩葉粧邊艷勝梅曲檻暫憑愁欲破清樽未對興
先催多情躑躅添光彩滿眼新詩不易裁

次前韻示舍弟季直叔度

滿地梨花門不開紛紛蜂蝶過墻來空庭睡起對芳
草何處笛聲吹落梅鬢色定從春後改韶光偏向客
中催美人千里斷消息日暮碧雲愁未裁

其二

閑花寂寞靜中開遠客尋春獨自來艷色可能欺越
女清香猶欲妬江梅飄零不恨芳菲盡荏苒難堪節
序催擬作新詩題素壁惠連佳句錦先裁

次姜樹之

年光如箭瞥然過雙髮蕭疎奈老何
不恨名途勲業晚可堪浮世別離多
崎嶇關塞長爲客咫尺禪扉似隔河
深謝故人情繾綣詩來斗覺去沉痾

奉呈楓墩

閱有慶號也

羨君行止自由身海鶴何曾久處塵
細柳營中投檄筆梨花堂裏伴閑人
飢寒有命宜隨分流落相依足見親
此日團圓天所借莫辭屨杖往來頻

其二

烏紗白葛稱閑身斗室翛然迥絕塵
萬軸牙籤爲勝

友一甌新茗當佳人林花浥露涓涓淨
簷燕窺簾故親除却哦詩更無事傳筒
相和莫嫌頻

其三

曾從宦海勇抽身不向西風障度塵
已分明時爲棄物敢言新進笑陳人
旅遊半世身將老農事何年手自親
南徼干戈猶滿地故園回首淚空頻

其四

生平許國已忘身敢憚驅馳驛路塵
有約青山長入夢無情白髮易欺人
休官彭澤耽閑趣奉檄安陽爲老親
悵十年成底事一鞭關塞旅遊頻

復用東字韻示清陰

三年奔走路岐中依舊生涯未送窮
髮色已從今歲換詩情猶與故人同
嵇康豈合紆簪組原憲端宜老
萼蓬昨夜尊鱸還入夢季膺歸思滿江東

寄敬叔

故人消息問何如關塞迢迢夢亦踈
世路向來看漸隘浮生底處可安居
士衡契活三間屋玄晏行裝一篋書
獨采幽蘭延佇久暮雲春樹摠愁余

其二

弘景頭顱已可知漢家時事不勝悲
東槎漫落張騫

節南粵難容陸賈辭萬里鷗波春浩蕩
百年駒隙夢參差巖廊籌策非吾事
湖海風流與子期

其三

一落天涯萬事乖故園歸路極悠哉
春陰漠漠梅初謝歲月恁恁燕又迴
醉裏漫題排悶句愁來獨上望鄉臺
王孫芳草無窮恨盡入斜陽盡角哀

寄思叔

仙源秋浦境相連五畝田園屋數椽
六載俱爲關塞客三春長送旅遊邊
空添鏡裏新霜髮閑罨江干舊釣船
歲晚行藏猶可共願聞休去是何年

送申敬叔巡按北道

年年長賦遠遊篇從事胡為子獨賢衣繡固知榮我
輩臨歧猶復惜離筵人間聚散元難定末路行藏但
任天踈懶自慚無處用掛冠行欲早歸田

自慈山與叔度同行到兔山有 召命先行分

携贈別扇對格

憐君才學獨超群珥筆堪為翰掖臣愧我龍鍾宜置
散承 息還入禁城春升沉有數天應定歧路將分
恨轉新寒雨滿山離思苦悲吟相對暮溪濱

復用身字韻

昨日林風吹滿身今朝山雨洗輕塵殘花零落不禁
盡嫩葉娑娑還可人老去漸知慵有味閑來惟與睡
相親多情最是金衣子獨向林間喚友頻

百祥樓次月峯韻

以下戊戌赴京時作

獨上高樓傷客心江流別恨與俱深風烟接塞歸程
遠世故驅人白髮侵北極朝廷非舊日南來烽火到
如今欄干徙倚天將暮古木滄波入苦吟

復用前韻

四牡駢駢不少留長途行役幾時休梅花未得南中
信竹葉空乘夢裏舟海雨欲來雲漠漠關山無極路

悠悠王家多難身猶健敢向天涯苦遠遊

復次

流光不肯為人留汨汨浮生即休關塞十年馳驅
騎滄江何日買漁舟籠中病鶴心猶遠天未歸雲意
自悠歲暮倘成鷗鷺契問君投紱共來遊

次月峯過松鶻山記懷韻

美人天末久離違尚有餘香在舊衣夢裏音容猶宛
轉望中關路漸依微思情不與雲俱斷消息其如鴈
到稀欲寄相思千里月寸心唯恐未同歸

次月峯過狼子山韻

一自腥塵染兩京至今刁斗夜猶驚巖廊籌策無中
上宵旰憂勞只 聖明 帝德同天憐小服王師如
虎守邊城 鴻恩粉骨知難報莫憚炎程賀節行

復次

星槎幾日到秦京滿耳蟬聲客意驚別後鄉書渾斷
絕夜來歸夢不分明雲山渺渺連燕塞銀漢迢迢接
鳳城自笑白頭猶萬里始知天馬老能行

遼陽午寢夢見亡人愴然書懷

遼陽城外客窓邊午睡方酣枕臂眠黃壤玉人來入
夢紅顏雲鬢宛如前各言兩地相思苦更結三生不

盡緣蝴蝶忽驚身獨卧淚痕猶在意茫然

其二

玄臺一別五經年消息茫茫隔九泉夙昔音容如夢
寐祇今墳草已芊綿浮生早識同零落人世難堪有
後先整借邯鄲成邂逅覺來心事轉悽然

次月峯遼陽韻

山勢西來欲盡頭誰開雄鎮作咽喉百年控制無邊
警當日經營出 聖謀粉堞橫空樓櫓壯朱門臨路
管絃稠應知此去 皇居近縹緲祥雲望裏浮

次月峯聞楊察院被參韻

由來喬嶽降精神醜虜猶知國有人萬甲胸中吞卉
服一心天末拱 楓宸聲名已久傾前輩勲業行看
耀後塵蠅點可憐生白壁叩閤無路問蒼旻

遼陽書懷寄諸弟

別後山川漸渺茫征軺今已到遼陽心如流水向東
注夢著斑衣上北堂玄鴈斷來鄉信少白雲飛處暮
天長臨歧欲寄相思字寫出千行又萬行

徐家墳

白楊蕭瑟鳥呼風吊古行人恨不窮殘壠幾年埋壯
士荒碑三尺記徐公賢愚貴賤同歸盡得喪悲歡摠

是空唯有石麟頑不動至今頽卧夕陽中

三义河邊歇馬

征鞍初卸坐晴沙滿眼森羅景物多遠宙浮空青一
抹長江遠郭綠三义村邊華屋知神廟樓外風旗認
酒家須作新詩記行跡却疑身在畫中過

到沙嶺復用輶字

歲月奔流劇走輶涼風吹面日脩脩千家檣柝傳新
火一葉梧桐報早秋長路關心悲絕國夕陽何意上
高樓平生慣作天涯客今日偏思馬少游

高平途中再用鯨字

秋到昆明動石鯨風清沙塞鴈南征心如倦鳥思深
樹身似疲驂苦遠程萬里來游成底事百年乾沒笑
浮生還歸正值重陽節又聽關河落木聲

題壯鎮堡城外關王廟

野廟荒涼經幾春丹青遺像宛如新苔封斷碣留陳
跡僧寓空廊作主人想見威風猶凜烈况瞻眉宇更
精神紛紛萬古乾坤內幾箇英雄繼後塵

閩陽途中復用前韻

人世奔忙四十春鏡中蕭颯髮毛新行藏恨不如初
志事業何能及古人未有涓埃添海岳空將詩句費

心神秋風又作幽燕客飲盡征途幾斗塵

午懋寧遠衛東嶽廟

朱門碧殿靜沉沉庭院荒涼歲月深燕入空廊塵不
掃苔侵古碣字難尋居僧好客鋪華簟老樹多情送
綠陰一枕清風成穩睡夢酣微聽塔鈴音

次月峯連山偶吟韻

郵亭日日共論詩一代詞人似子稀
筆苑鋒鏘那對壘騷壇函丈可摳衣
天葩幻出神工手雲錦裁成織女機
拙斲自慙徒血指肯教鉛槧許依歸

謁夷齊廟

傷心無力救殷亡叩馬歸來餓首陽
萬古綱常明月至今祠廟薦馨香
堂堂節義山爭仰赫赫聲名水共長
百世聞風猶立懦况今親炙忝升堂

其二

灤水東頭舊廟荒行人駐馬久彷徨
城餘孤竹清風在門掩蒼松白日長
北海幾年甘寂寞西山一曲剩悲涼
摩挲短碣高聲讀先聖褒言字字香

次豐潤郭家近山堂韻

風滿疎簾月滿堂曉來羈思轉淒涼
無人蓬島傳消息何處藍橋乞水漿
箇裏清閑君莫道客中辛苦我

偏嘗憑欄悵望浮槎路銀漢西流正渺茫

登寧邊半奩亭

畫閣暈飛綠樹間仙區風月隔氛喧
孱顏雨過雲容媚簾幕秋生燕子寒
卯酒三盃渾欲醉陽春一曲和
尤難憑欄竟夕忘歸去紫綬浮榮也不關

寧邊呈方伯

袞袞衣冠會一堂厭厭夜飲樂無央
輕雲掩月清光漏微綠含風畫閣涼
關外莫愁長作客樽前聊以醉
爲鄉明朝聚散還萍梗回首山川兩渺茫

贈說之

長風吹月到虛堂客夢初回夜未央
露入疎櫺衣欲濕酒醒高枕簟生涼
竭來蘭室酬清債忘却萍蹤滯
異鄉仍念交親俱萬里碧雲離思共茫茫

望香山

萬朶芙蓉翠欲堆微茫何處是東臺
居人已慣看應厭倦客初逢眼忽開
半世可憐長局束一筇安得上
崔嵬秋風我欲尋真去爲問山靈有許來

別金士悅

十日披襟倚小樓臨分不耐去留愁
歸田豈並陶彭澤爲吏還慚郭細侯
勝跡幾回勞遠夢芳樽無路繼

清遊人間別恨元來苦况復逢秋易白頭

次韻奉呈文川柳使君

塗

江湖鷗鷺舊盟寒十載奔馳宦興闌竹馬爭迎非郭
伋蒲鞭為政愧劉寬空憐出塞賓鴻遠幾羨還巢野
鶴盤今日逢君開口笑此心聊得暫時安

其二

霜凋碧樹簟生寒感物偏驚節序闌到手莫辭盃面
凸思婦漸覺帶圍寬庭花燦燦呈金餅海月團團上
玉盤醉裏頽然成一夢興隨蝴蝶入槐安

贈黃是之

憶昔天曹共作郎如蘭契分久難忘相逢此日雙眸
碧只恨衰年兩鬢蒼一曲高歌成小酌千竿脩竹繞
華堂嚴程有限情無極不覺西岑下夕陽

任斗卿挽

少年才行冠群倫末路功名最後人半室維摩長抱
病一生原憲不堪貧清詩吟罷情何極往事思來跡
已陳他日松楸丘壠近九原魂魄倘相親

崔左尹瀟挽

戎幕從軍記昔時蛟龍城下慣相知擎天壯志人誰
識滿腹雄圖老益奇莫逆襟期連伯仲忘年交契去

毛皮纔終一甲還玄宅長慟非徒爲我私

權木川益慶妻挽

淑質幽閑婦德純宜家聲譽動鄉鄰百年契闊空成
說四十流光不貸人粧鏡匣開無復影瑤琴絃斷已
生塵鼓盆情味曾嘗遍欲寫哀詞倍愴神

金獲母氏挽

花樹開筵記昔時生平淑德慣聞知幽貞可作閨門
範賢哲非徒酒食宜一世高風推絳帳十年孤影吊
寒帷流光莫恨纔周甲蘭玉盈庭摠白眉

敬次峒隱詞丈韻

探賞秋光莫恨遲山中物色未全衰經霜翠竹連紅
樹浥露黃花蘸碧池浮世向來無好况清談陪處是
閒時明春繞屋梅如雪佩酒重臨倘可期

挽人

少年交契托諸郎早識門闈積慶長膝下八龍應絕
有人間五福定誰方雲軒奄忽歸仙府旅櫬淒涼返
故鄉自愧張林無健筆漫將哀淚洒千行

送尹靜春赴京

碧樹涼風吹不休秋懷別恨兩悠悠早知浮世有離
合且向樽前悲去留洛社誰人同看月郵亭何處獨

登樓從今夜夜相思夢長繞燕雲古薊州

次韻贈金應祈考

交遊情分舊通家往事思來感慨多不下樓中連雪
榻滌襟軒裏聽漁歌當年朋伴今誰在百歲光陰半
已過相對莫言心尚少不堪衰髮兩皤皤不下卽樓名

洪川泛波亭次外王父韻以下原城亂稿

文章當日擅詞林山斗聲名雪月襟晉晝早承三接
寵薰風曾和五絃琴巖廊喬木猶傳業華屋重泉幾
愴心膝下兒孫今白首遺篇圭復淚難禁

其二

憑虛高閣出青林倦客登臨覺爽襟遠宙浮螺明錦
障清灘曼玉勝瑤琴飛昇不待冷風馭冲漠還生太
古心擬卜菟裘終老此一江烟月有誰禁

同申明遠鄭德容舍弟仲栗雨後遊洪家攬秀
堂次板上韻

仙區探勝晚來過綠滿回塘散小荷松院雨餘花欲
老柳堤風急水增波青樽且喜同諸彥白首非關戀
物華把酒不知山月上清光盃底漾姮娥

朴堤川正伯溪堂次鄭養一韻

山繞孤村溪繞臺雲嵐如畫水鳴雷閑中景物看無

厭案上塵編任自堆擊壤幾多歌激烈臨池時共影
徘徊從今擬結東林社乘興頻頻帶月來

悼坤兒

憐汝慈情老益深六年勤育到如今那知一疾終難
救永返三清杳莫尋眼裏形容猶了了人間影響竟
沉沉無涯至痛填胸臆日夜長號未快心

其二

雨打茅簷風打帷孤魂飄散向何之盈盤蔬果陳誰
喫撫殯爺孃哭不知床下塵鞋餘舊跡篋中殘粉想
妍姿庭前手植花猶在忍見媽紅滿故枝

其三

平生鍾愛倍他兒坐則提攜動必隨照月蚌珠纔出
海先秋蘭葉遽摧枝蠶絲蔽篋綠何日瓜蔓懸籬摘
幾時觸目傷心非一事強將排遣淚還垂

其四

携汝東來爲救飢誰云此地遽分離人間相見知無
日泉下重逢倘有期燈暗總帷魂寂寂夢殘愁枕夜
遲遲何當慟哭高峰上一寫胸中不盡悲

其五

日日憑棺哭喚名如何不應又無聲籬邊况見窺人

笑窗外疑聞曳履聲新稻飯炊那忍對後庭桃落更
誰爭隣人爲汝皆垂涕何況天倫父子情

其六

去年載汝八原城今年載汝葬先塋征途物色渾如
舊人事存亡極愴情旅櫬淒涼舟一葉孤墳寂寞月
三更無窮日夜傷心淚流作江波咽不平

送申明遠歸金陵村莊

年來行路漸艱難得喪榮枯捻不關爲問鈴齋瘦薄
領何如田舍占清閑白頭到處無佳况青眼相逢只
故山我亦隨君從此去臨歧不用淚空潛

其二

十幅蒲帆掛夕陽江流別恨共茫茫還家恰及黃花
節歸路遙連碧海長浮世本來多聚散暮年須各慎
行藏汀洲定有南飛鴈倘寄新詩慰斷腸

李僉知綏之挽

平生知己李東臯結髮論文到二毛浩蕩胸襟吞夢
澤醺芳氣味飲醇醪人間炎熱何曾惱醉裏猖狂亦
自豪聞道騎鯨遊汗漫不堪衰淚滿綈袍

其二

少日交游伯仲間連城聲價動騷壇扶搖擬見鵬搏

遠奄忽那知蟻夢殘八袞老親如宿昔百年人事足
悲酸承家賴有賢郎在白首重尋未了歡

原城與柳監司勸仲任佐郎應秀朴堤川正伯
榜會席上次應秀韻

遭亂分離歲後周相思一日抵三秋他鄉幸得開青
眼浮世還驚共白頭此地萍逢真不意明朝星散又
生愁人間勝會知難再痛飲唯須秉燭遊

李甥以省自洪陽委訪仍與夜話喜而書贈

二年分散各參商兩地相思幾斷腸秋水渺茫鴻鴈
少雲山迢遞夢魂長慙懃命駕輕千里驚喜披襟共

一堂說盡悲歡更秉燭今宵忘却在鄉

夜雨書懷

簷雨浪浪滴到明寒聲攬枕夢難成故山千里無歸
日少子明朝有遠征人事天時俱可念羈愁別恨兩
關情朝來早起看雙鬢鏡裏應添雪滿莖

長夜

長夜漫漫不肯明寒雞喔喔兩三聲愁纏病骨心如
醉計負雲山恨未平萬里鷗波空浩蕩一間蝸室半
摧傾踈迂素乏資身策白首流離愧此生

朴正伯溪堂

一間精舍似僧菴四面雲山擁翠嵐
漁釣每逢溪友約桑麻長與老農談
宅邊多柳何須五逕裏添梅已過三
想見燒香清坐處月明仙鶴下庭叅

月溪路上

雪滿群山水塞川弊裘羸馬月溪邊
縈紆細棧纜通線慘澹陰風可折綿
行路半生摧短髮田廬何日送殘年
行箴自是關吾命莫向征途謾怨天

訪楓溪舊居

三載離家作遠遊一筇今日到林丘
泉聲似訴鳴幽澗山色如迎滿小樓
休影臺荒殘雪在朝真磴壞暮

雲愁斜陽已盡情無盡欲去遲回更少留

次仲栗今是齋韻

草堂新卜浣花村日日來鷗不厭煩
半世功名真蟻夢暮年閑適亦君恩
雲山滿目俱堪樂時事驚心且莫論
踈懶未堪供世用敢將衰白入脩門

其二

物外之人誰毀譽安閑隨分卧田廬
身如病鶴雲棲穩跡混沙鷗世念踈
堆案詩書拋舊業滿院花竹共幽居
盤餐莫道無兼味日膾溪魚煮野蔬

元韻

山繞清溪溪繞村一區新築絕囂煩明時退伏真
吾分林下安眠亦 聖息丘壑是間堪送老榮枯
身外不須論閑中更覺幽棲味當晝常關向水門
久識聲華有毀譽晚將身世寄茅廬安閑已得田
園樂貪病何嫌故舊踈溪鳥野花皆狎友土床蒲
薦足幽居客來共詫村中興樽酌松醪圃摘蔬

次清陰贈李掌令君應韻

歷盡雞山到葛坡斜陽來訪故人家溪邊嫩柳初舒
眼窓外寒梅未著花別久共驚顏髮改情深不覺道
途賒清閑自可捐憂累莫遣無涯送有涯

其二

仙居清絕枕山根臨水高齋晝掩門浪跡日參沙鳥
會幽懷時與野翁論常從物外娛閑放豈向人間有
怨思方朔自憐飢欲死白頭猶復信乾坤

夢與申敬叔同舟出峽泊漢江日記夢中所見
夢裏同乘一葉舟翩然出峽放中流鍾聲隱枕聞長
樂曙色侵篷見漢洲江上數窠開翠幕望中三角豁
昏眸津頭小吏如相識迎坐東床願少留

次柳正由韻

霽雨連旬苦不堪一間矮屋小僧菴長懷玉樹懸心

想忽得瓊詞勝面談
隔嶺未能披宿霧
憑軒何日眺晴嵐
桑田滄海非虛語
平陸今看變作潭

其二

獨向蒼天發浩歎
滿江烟雨凭危欄
明時已覺馮唐老
末路誰憐范叔寒
桂玉關心生亦苦
風濤攪枕夢猶難
三年旅泊同漂梗
何日鷓鴣得再安

其三

天公餉我一何偏
放浪湖山興渺然
乘醉倚筇呼渚月
趁潮搖艇破江烟
清閑自可消長日
漁釣何妨送暮年
久判形骸爲外物
莫嫌殘雪已皴巔

其四

凌虛高閣俯江郊
滿眼黃流沒柳梢
駭浪蹴船翻欲倒
狂風吹纜亂相捎
天時漸覺炎涼換
客意偏傷老病交
坐到夜闌眠不得
隔窓雞唱聽膠膠

再次正由韻

人間苦惱漸難堪
物外何時訪道菴
楚澤愧逢漁父問
禪廊思折老僧談
隨身烏几兼黃卷
繞屋青山間翠嵐
樗散自知乖世用
百年吾道付江潭

其二

清詩一唱復三歎
斗覺商飈動畫欄
出水芙蓉元去

飾照人驪目自生寒
彤庭可和薰風曲白首長歌
蜀道難欲綴蕪詞酬傑句霜髭捩斷字難安

其三

君家形勝占殊偏每到煩襟覺爽然十里湖山呈几
席一江魚鳥共風烟天教我輩娛今日神闕名區閱
幾年塵世也應無此境却疑身在閬風巔

其四

蒼然暝色起西郊漠漠輕烟罨樹梢聒耳亂蛙鳴閣
閣隔簾新月偃梢梢平生不藉金張勢末路誰論管
鮑交千載我洋聲久絕要君煎合續弦膠

聞劉天使遊漢江

玉節蘭橈駐晚沙清江逸興浩無涯閑雲度影盃中
落遠岫浮空望裏斜巴唱可堪酬白雪仙遊聊喜共
皇華留連且莫催歸騎坐待前林散夕霞

題保寧韓元之新庄

海曲新庄占別區湖山形勝世間無高松密竹成帷
幄絕嶼遙村當畫圖沙際白鷗常玩狎雲邊黃鶴可
招呼留連不覺歸期晚贏得浮生數日娛

次叔度題溫陽東閣韻贈仲靜

歧路難堪撲面埃林泉端合早歸來鴛鴦自識無奇

骨樗櫟何妨保散材還笏功名吾欲老鳴琴治化子
多才鈴齋借榻閑眠穩回首人間萬念灰

公州山城

熊津督府古雄藩控扼東南節制尊山勢拱趨天北
極江流通接海西門桑府處處田園好烟火家家物
色繁 聖代即今刀斗靜亂鴉殘堞自黃昏

次成仲深田園雜興韻

多君三世卧郊扉樂道安貧志不移遠學豈唯吾輩
少高風應比古人稀荆山久韞連城璧姑射誰知若
雪姿行路向來者漸隘歲寒心事欲歸依

其七

玉漏響丁東漫漫清夜長愁人獨起坐露入秋堂涼
天邊一聲鴈歸思滿江鄉明日放扁舟與爾同翱翔

詠懷

居可僅容膝食可取充腹藜藿勝粱肉茅茨勝華屋
貴已不如賤福兮禍所伏貧居樂有餘何用萬鍾祿
行箴吾自決窮達不必卜世態看爛熟人情手翻覆
明月皆按劍羨玉可韞積床頭有古書時向窓前讀
古人雖不見往迹猶在目顏回樂簞瓢傳說起板築
時來當作霖運否死幽獨莫學阮步兵途窮便慟哭

雪後思舊遊戲題

今年節候晚仲冬猶妍暖初旬始大雪地上盈尺半
寒聲夜撲窓曉色先侵幔老夫披鶴氅平明出門看
六合混一色川原倏變幻千村玉爲室萬樹琪花璨
却訝銀海溢波濤浩汗漫芒碭大包內滉漾無涯畔
又疑白玉京朝罷群仙散白帝與素娥爭道旗麾亂
竒哉造化工人力何能辦墟落烟火絕野徑行人斷
群童爭拍手踊躍紛叫喚老農喜有年相賀一笑莞
衰病怕寒威忍凍難久翫灞橋驢未跨山陰興亦懶
歸來掩關卧悵悵至日盱豆粥煮無薪紬衾破不煖

牀頭設甕雲地鑪添熾炭忽憶少年日坐嘯新安館
時乘風雪朝縱獵西海岸爾時心尚壯部曲亦精悍
快馬競馳突長原平若案翻身仰射鵬一箭必雙貫
呼鷹入深林逐兔渡絕澗敲冰煮鹿胎野酌亂無筭
日暮扶醉歸炬火萬星燦今來滯窮峽寂寞影相伴
往事如昨日流年電過眼形骸漸枯朽髮髮日凋換
塞馬任去來餘生已自判回首舊遊地不覺發一歎
題詩慰無聊濁酒頻引滿

過坤兒墳有感

白雪滿松林孤墳何草草霜曉爲見汝披榛遠來到

精靈如有知迎我應驚倒三匝撫墳呼魂其識我抱
再過坤兒墳

寂寞荒山中哀哀一孤塚蕭蕭白楊樹慘慘悲風動
三到不一見令我肝腸痛來何不我迎去何不我送
幽明既異路魂魄不入夢理遣欲吞聲不覺哭之慟
生時凡我出入往來必
迎送於門外故及之

感懷四首

富貴世爭趨貧賤衆所棄人情自古然末俗安足議
翟公大署門彼哉真小器賓客任去來何須生怒恚

其二

其五

承綸宿昔赴燕臺曾賀 先皇聖節迴清蹕下時仙
仗簇 御香飄處午門開 恩沾湛露思如昨夢斷
鈞天首幾回今日送君還賀節感時傷舊意難裁

同年李敏善挽

蓮榜聯裾作弟兄幾蒙傾蓋細論情十年聚散驚浮
世晚歲田園保令名壽到八旬何所憾官經三縣亦
云榮生葛欲奠山重阻悵望金烏淚自橫

送許高城啓之任

高城自是神仙窟明府元來永述流崇政殿前辭

聖主夢泉亭畔弄沙鷗百年塵土憐吾老三日風烟
羨子遊聞說海山多藥物一封時寄問浮休

送鄭順天維城之任

清水出壑烟無塵玉立朝端第一人乞縣本非遺
聖世專城只欲養慈親漢廷群議嗟踈誼河内民情
喜借恂遙想驛梅春信早折來何處望 楓宸

其二

昇平素號小江南宿昔從戎恣討探處處園林堆翠
竹家家籬落擁黃柑笙歌匝地民風好蚌蜃登厨海
味甘今日送君還作宰舊遊回首意難堪

送韓元之以謝 恩奏請使朝京

銀漢遙乘八月槎幽燕長路接鯨波 鴻恩謝處
威顏近鸞詒擎來 聖渥多蠻館春回應戀闕午門
朝退想鳴珂頻年塞上傳烽急須向危途慎所過

韓別坐師儉挽

廿載西遊不肯歸生平心事竟誰知惟思物外安耕
鑿未識人間有是非旅櫬若爲還故國孤魂應亦抱
深悲靈筵一哭嗟無路題罷哀詞淚滿衣

崔判書權挽

鴈塔題名記昔年青雲聲望早推賢金門待漏朝同

八玉署聯袂夜共眠晚歲危途俱白首一病浮世奄
黃泉人間知舊凋零盡獨抱瑤琴意惘然

李判書伯胤夫人挽

平生交契伯鸞翁久仰齊眉婦德崇壽過稀年膺福
厚封躋卿秩荷 恩隆纔驚謝砌芳蘭折奄見韋堂
絳帳空鬱鬱松山何處是不堪薤唱曉城東

次金從事子珍韻

谷鳥聲中山更幽斜陽明處亂紅稠松陰落地涼侵
席岳色浮空翠滿樓眼底韶光無限好西來消息不
堪愁人間四美知難具佳節須將酌酌酬

用前韻奉和兩李詞丈兼呈二從事以博一笑

莫道林居洞壑幽門前車馬近來稠春晴南澗花如
海簾捲東風客倚樓勝筭已聞和醜虜清樽聊可洗
乾愁江淹白首才還盡虛辱瓊琚愧未酬

申領相敬叔挽

圭璋雅望棟樑材宗匠詞林位上台補袞幾多陳藥
石調羹方喜作益梅夢中山裂還先告天上樓成召
忽催惆悵古琴絃已絕此生懷抱向誰開

其二

平生知己象村翁妙歲高名冠海東德業文章何敢

望行藏氣味幸相同清朝鶚立巖廊重半夜龍亡大
澤空白首同歸應不遠交期更盡九原中

吳驪州允諧挽

人世交游五十春溫純氣味老彌真藏輝不恨功名
晚養拙何嫌計活貧誰遣蛇年來報夢可憐蘭室奄
生塵知音末路凋零盡獨抱瑤琴淚滿巾

鄭德鳳挽

谷口高名鄭子真少年同閑接芳塵升沉縱異情何
變車笠相忘老更親數畝荒園甘寂寞七旬浮世足
悲辛人間故舊今誰在惆悵山扉獨掩春

李叅判命俊挽

兩世論交契分深白頭猶不變初心十年瘴海還經
幄一疏忠言聳士林天上記樓催返駕人間臨老失
知音生芻欲奠江山阻悵望丹旌淚滿襟

朴監察宗男挽

兩世通家契分親暮年深喜有芳鄰一生麴蘖仍成
病半百光陰遽返真旅觀還鄉唯弱子高軒無主屬
何人朝朝每過溪邊路行到門前幾愴神

張江界潛挽

雄姿壯略早超倫益德千秋是後身一劔斫管驚賊

虜三州留愛泣遺民腰橫金帶家徒壁庭秀瓊枝世
有人鄰里日看凋喪盡白頭無賴獨傷神

尹庶尹煥挽

半百光陰隙駟忙人間苦樂兩相忘群兒滿室生涯
薄旅觀還鄉道路長湖外遺民思惠澤漢廷公議惜
循良連姻十載情何極欲寫哀詞淚萬行

李延平玉汝挽

少年同榜忝從遊若水交情到白頭雄辯懸河齊物
論元功靖社賁皇猷傷時憂國忠肝赤隱卒崇
終聖渥優老舊朝中今幾在長吟殄瘁淚難收

完平李相公挽

邦家柱石世著龜身佩安危壽到頤血疏一言存
社稷彝倫千古賴扶持汾陽福祿誰並司馬聲名
虜亦知天不慙遺何奪速為公無憾為時悲

姜晉昌細挽

兩世論交趣味同如蘭心契老彌融相從痛飲形骸
外景仰高風氣槩中六郡分憂治績懋八旬增秩
寵恩隆城西耆舊今誰在惆悵春來酒席空

李正慶禮挽

白首名場宦况闌歸來田里樂清閑陶潛逸興耽盃

酒謝眺幽居近碧山半世交情欣莫逆八旬仙夢遽
催還生平慣識浮休理今日難禁老淚潛

吳叅判德者挽

少日交遊伯仲間連城聲價動朝端蓬麻自幸資三
益棟莠爭者並二難勁草疾風終不偃高名危世竟
能完平生石友凋零盡更向何人說肺肝

尹僉知曉挽

平生山仰古心翁跡忝龍門早識公詩禮本來傳舊
業清貧還復紹家風百年世事悲歡了三品功名夢
幻空同掬故人猶未死白頭垂淚向蒼穹

敬贈副揔兵程大人幕府揔兵名龍

河南千載見雲孫文采風流喜尚存萬里承宣臨海
徼三韓歡抃仰 皇恩腰間紫氣雙虬動座上春風
一笑溫他日還朝如有問為言忠順即東藩

送壽弘往觀春川

昭陽形勝夙曾諳送爾春遊恣討探遠岫雲收森盡
戟清江水泮漾新藍尋碑古寺濃花發步月瑤壇皓
鶴叅衰白自憐長物役夢魂時到見星菴

朴寧海安國挽

凝川從古號名門積慶尚書有令孫浮世後回人事

變風流猶喜典刑存十年榮宦槐安夢晚歲幽居社
曲村生死定知無少憾畢婚也復葬先原

朴錦溪子龍挽

一落天門不盡飛十年湘渚露霑衣龍灣扈 鞞今

誰錄獐閣圖形夢也非湖榭新成甘送老玉樓催記
遽忙歸金村石室松楸近死者如知倘可依

大行王妃挽詞

巍然 聖烈邁宣仁展也周家十亂臣協贊 神謨

扶社稷重恢 王業濟生民方瞻軒曜明黃道驚見

巖儀出紫宸白髮老臣懷 盛德難將椽筆寫光

塵

五言古詩

梨津

天寒戍樓空日落海門濶離鴻怨孤征獨鶴傷遠別
誰家酒新熟何處梅初發欲掛杖頭錢大醉江南月

暮登城上望達梁古縣

達梁即乙卯
元績敗軍處

日暮登高城悠悠送遠目天空月蒼蒼海濶雲漠漠
船將暝色迴鷗傷寒沙宿獨立訪古迹無言山寂寂

自梨津向加里浦船上次趙韻

美人天一方千里共明月重重彩雲隔杳杳音塵絕

縱有夢歸時山高難可越

紀行

早發梨津城晚過橘柚浦浮雲散天宇朝日翳復吐
便風送客帆踴躍篙師舞水天共一色俯仰迷歸路
點點海中山蒼茫似烟霧浮沉逐浪鷗濃淡沿汀樹
南來多壯觀勝遊從此數

八音歌效簡齋體

金樽酒瀲灩一酌消我憂石瀨瀉潺潺醉作逍遙遊
絲毫皆 聖息天地知難酬竹林送虛籟爽氣疑清
秋匏大竟安用獲落堪退休土風素豪悍茲焉難久

留葦俗愧非人祛弊須賢侯木道浩萬里擬泛江東
舟

以逆旅愁人怨夜長分韻作七首

萬古一瞬息浮生如過客胡爲不知足百年長役役
時來升巖廊運去老丘壑寄語趨營人天道有順逆

其二

四壁起秋聲鄰家動寒杵遠客悄無眠胸中紛萬慮
欲獻一得愚咫尺天門阻文王起百里夏康興一旅

其三

勲業已遲暮歲月去如流少壯能幾何白髮忽滿頭

老馬伏皂櫪意欲踏九州世無良樂知局促令人愁

其四

小少學仙術採藥清溪濱石室見玉女天壇逢羽人
一夢落紅塵蹉跎三十春何日拂衣去更與安期親

其五

寂寂下重簾寥寥閉深院虫聲近床下客意驚秋晚
平生經濟志歲暮乖夙願不學兒女子空懷別離怨

其六

客有明月珠神光照厚夜深藏篋笥中擬待連城價
人皆貴魚目反以明珠下世事無不然誰能辨真假

朴監司仲吉挽

香林精舍始逢君蓮榜聯名忝茅昆白首未忘前日
好青眸相對舊情存年來喪患那堪說夢裏升沉且
莫論死若有知應不恨兩兒猶得葬同原

成永同仲深挽

先生門下昔趨塵托契金蘭五十春遠學窮源知有
自冲襟接物老彌真病中談笑思如昨溪上追從跡
已陳末路我洋誰解聽白頭垂淚只傷神

白玉峯遷葬挽

憶昔先君托契深高名當日動詞林驚鴻筆勢鍾王

法曼玉遺篇正始音孤露至今猶未死清風如昨杳
難尋遙聞海上遷新兆欲寄哀詞淚滿襟

趙僉知俊男挽

自少相從到白頭那知人事壑藏舟數三鄰里皆凋
喪七十光陰太謬悠梅竹小軒春晝閉梧桐深院月
空留東風一曲山陽笛每過門前淚不收

宋木川惟諄挽

秋水精神瘦鶴姿高情閑淡宦情微平生玄晏常多
病歸去淵明只賦詩五馬功名渾似夢百年朝露易
先晞人間親舊凋零盡白首論心更是誰

友人許澄挽

少日才名藉一時晚來蹭蹬數還奇窮途阮籍仍耽
酒多病相如只賦詩春樹暮雲長入望人間泉路又
分岐南州高士今誰在樛月依然瘦鶴姿

送舍弟叔度以謝恩兼聖節使赴京

皇家積慶邁商周錫胤嘉祥叶夢休鳳綉遠頌同
內服鴻恩申謝揀名流茫茫客路連溟渤的的孤
查犯斗牛多少三韓銘鏤意好將敷奏徹宸旒

其二

少弟才名歷惠連乘槎霄漢似張騫平生慣誦詩三

百辛苦寧辭路八千魏闕縱觀周禮樂奚囊收取禹
山川歸來好趁清明節繞屋烟花對榻眠

其三

君息深處一身輕萬里鯨濤不憚行爲國忘生臣子
義臨歧惜別弟兄情威加古月狼烟息天借長風鷁
路平來往固知無滯梗掛帆唯冀戒貪程

其四

仙槎長路接蓬萊秋晚青齊景物佳見月幾多傷遠
別登樓何處暢羈懷須知箕斗爲身崇莫道酸醜與
世乖從此文星明北極獨憑虛閣望天街

唐虞既云遠淳風不復返頽波力難回濁流奔混混
世道日荒蕪吾生嗟苦晚已矣可奈何不如且加飯

其三

玄聖垂明戒止足不殆辱奈何今世人營營不知足
但喜朱其門罔念赤其族誰識商山翁茹芝老空谷

其四

鴛鴦騁長途松栢卧絕澗魚目欺明珠誰能辨真贗
紛紛天壤間萬事一夢幻得失勿欣戚禍福木與鴈
歸觀湖西宿良才村店

有得必有喪有順必有逆盈虛消息理歷歷在義易

君子一任天窮達不欣戚小人昧於斯一生長役役
其二

落日渡漢江行行逐徒侶羸驂鞭不進前店香幾許
群鴉已滿林獨鶴無歸處聖人且棲遑吾何歎羈旅
其三

長夜何漫漫客路何悠悠推枕起獨坐無人知我愁
妖星照玉除殺氣連皇州安得一長劍往斬樓蘭頭
其四

白髮日日長世事日日新木石騁妖患黃金多誤人
峩冠廊廟輩孰非社稷臣三緘只保位可憐垂死

民

其五

歲暮晷景短前程去尚遠呼僮戒夙裝候鷄炊早飯
行年逾六十世變閱千萬賦命本竒薄蒼天何敢怨

其六

斗屋四無壁編茅園作舍嚴寒透重衾輾轉難度夜
安眠愧主翁伏櫪憐老馬此行莫嗟歎吾道多曠野

其七

慈親寄湖右我身在漢陽一日心豈忘兩地遙相望
何時奉還鄉歡笑共一堂世亂不遑將永夜悲歎長

李明老挽

憶昔亂離日與君同避兵蒼黃不忍說盡室徒步行
顛沛誓相救終始同死生從此契彌敦通家情弟兄
偷生各全身賊退還京城至今二十年來往欣相迎
閑居在東郊夜讀朝出耕安貧不戚戚守分不營營
賦命一何奇抱才未成名一夕不病逝浮生春夢驚
人生孰不死子死最傷情老父更誰托弱子孤孱孱
號天哭之慟日月慘不明即遠得吉日卜兆依先塋
淒風助薤歌細雨濕丹旌靈乎若有知一盃歆我誠
幽明自茲訣老淚如河傾

亡題

一日抵三秋况此三秋別死別尚可忍生別魂斷絕
天寒白露下四壁虫聲咽不辭相見遲只恐芳華歇
關山苦迢遞飛夢亦難越夜夜長相思知心有明月
七言古詩

相思曲

美人遙遙隔湘浦相思一夜梅花發冰姿玉質皎無
瑕宛見其人慰飢渴涓涓朝露濕粉腮似向東風傷
遠別韶光無多風雨惡只恐清香易衰歇欲寄消息
杳無回挽得長條不忍折黃昏獨立愁復愁兩地知

心一片月

行路難一首寄贈象村

歲云暮矣北風寒層冰塞河雪滿山中松桂盡摧
殘况復澗底之孤蘭老夫不出獨閉關縮頸擁爐依
蒲團美人羈栖在江干思之不見涕洟瀾心欲奮飛
之羽翰天長海澗行路難行路難摧心肝欲寄一札
問平安魚沉鴈斷空長嘆何時鵬破春風還松下淨
掃瓊瑤壇金爐煉成龍虎丹玉盤與子充朝餐飄然
揮手謝塵寰乘鸞共八青雲端下視九州如彈丸橫
絕四海恣遊觀後天不老留朱顏世間得失榮辱與

悲歡付與一場春夢等閑看任他時人爭觸蠻

仙源遺稿卷之二

